



ՍՈՒՐԲ ԾՆՆԴՅԱՆ ՀԱՆԴԻՍՈՒԹՅՈՒՆՆԵՐԸ ՄԱՅՐ ԱԹՈՌՈՒՄ

Հունվարի 5-ին, երկուշաբթի.—Ծրագալուց Ծննդեան և Աստուածայայտնութեան Տեան մերոյ Յիսուսի Քրիստոսի:

Այսօր, երեկոյան ժամը 17-ին, Մայր տաճարում հանդիսավորութեամբ կատարվում է Ծրագալուցի արարողությունը:

Արարողութեան ընթացքում հոգևոր հայրերն ու ճեմարանի ուսանողությունը ընթերցում են Ս. Գրքի համապատասխան հատվածներ, որից հետո սկսվում է Ծրագալուցի ս. պատարագը: Պատարագին էր Մայր Աթոռի դիվանապետ գերաշնորհ Տ. Ներսէս արքեպս. Պողոսյանը: Պատարագին արթագան հայրը «Հայր մեր»-ից առաջ ոգեշունչ քարոզ խոսեց «Խորհուրդ մեծ և սքանչելի, որ յայն ատոր յայտնեցաւ: Հովիվքն երգեն ընդ հրեշտակս, տան անտիս աշխարհի» (Եսայական) բնաբանով (տես էջ 39):

Ս. պատարագին ներկա էր Վեհափառ Հայրապետը: Նորին Սրբությունը նախագահեց Ս. Ծննդեան նախատոնակի արարողությանը:

Նախատոնակից հետո Հայոց Հայրապետը առաջնորդվեց Վեհարան, ուր և ընդունեց Մայր Աթոռի միաբանության շնորհավորանքները:

Հունվարի 6-ին, երեքշաբթի.—Տօն Ծննդեան և Աստուածայայտնութեան Տեան մերոյ Յիսուսի Քրիստոսի:

Այսօր, առավոտյան, տոնական ժամերգությունից հետո, օրվա մեծ տոնի առթիվ, Ամենայն Հայոց Հայրապետը ս. պատարագ է մատուցում Մայր տաճարի Ավագ Ա. Սեդակի վրա: Պատարագին Վեհափառ Հայրապետին սպասարկում են Տ. Գևորգ եպս. Մերայդարյանը, Տ. Զավեն արք. Խաչատրյանը և Տ. Պարզն արք. Մարտիրոսյանը, ինչպես նաև Մայր Աթոռի սարկավագաց դասը:

Մայր Աթոռի զանգերի ավետաբեր դրոշակների ներքո հնչում է Փրկչի Ծննդեան մեծ ավետիսը՝ «Քրիստոս ծնաւ և յայտնեցաւ»:

«Հայր մեր»-ից առաջ Վեհափառ Հայրապետը բովանդակալից քարոզ է խոսում՝ շնորհավորելով հայրենաբնակ ու Սփյուռքում գտնվող ողջ հայությանը Նոր տարվա և Ս. Ծննդեան տոների առթիվ (տես էջ 8):

Հավարտ ս. պատարագի Վեհափառ Հայրապետը Ավագ խորանի վրա կատարում է Զրօրհնաց հանդիսավոր կարգը՝ ոգեկոչելով հիշատակը Հորդանան գետում Քրիստոսի մկրտության Ս. Հովհաննէս Մկրտչի ձեռքով:

Պատարագից հետո Վեհարանի սեղանատանը Վեհափառ Հայրապետի կողմից տրվում է ճաշկերույթ, որին մասնակցում են Մայր Աթոռի եպիսկոպոսաց դասը, Գերագույն Հոգևոր Խորհրդի պատվարժան անդամները, Մայր Աթոռի բաժինների ղեկավարներ և այլ հրավիրյալներ:

Ճաշկերույթին մասնակցում էին նաև ՀՍՍՀ Միսիստրների խորհրդին առընթեր Հայ Եկեղեցու գործերի խորհրդի նախագահ Ստեփան Վարդանյանը և տեղակալներ Անդրանիկ Հասարթյանն ու Ռաֆիկ Զարգարյանը:

Ճաշկերույթի ընթացքում Վեհափառ Հայրապետը պաշտոնապես շնորհավորեց Գերագույն Հոգևոր Խորհրդի անդամներ՝ ՍՍՀՄ Ժողովրդական Ակարիչ, ՍՍՀՄ Գեղարվեստի ակադեմիայի իսկական անդամ տիար Գրիգոր Խանջյանի և բանասիրական գիտությունների դոկտոր, պրոֆեսոր տիար Պիոն Հակոբյանի 60-ամյա հոբելյանները: Ներկաները ողջույնի ու շնորհավորանքի խոսքեր ասացին:

Թ.ԴԱԿԻՑ



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏՆ ԲԱԾԽՈՒՄ Է ԻՐ ՀԱՅՐԱՊԵՏԱԿԱՆ
ՊԱՏԳԱՄԸ Ս. ԾՆՈՒՆԴԻ ԱՌԹԻՎ
(6 հունվարի 1987 թ., Ս. Էջմիածնի Մայր տաճար)



ՄԻ ՊԱՀ ՋՐՕՐՀՆԵՔԻ ՀՈԳԵՊԱՐԱՐ ԱՐԱՐՈՂՈՒԹՅՈՒՆԻՑ
(6 հունվարի 1987 թ., Ս. Էջմիածնի Մայր տաճար)